

Anu lasciatu

Anu chjosu e scole u vechju campanile
A nepita hè crisiuta à cantu à u casgile
Anu lasciatu un fiore
Pè u mese d'aprile

*Anu chjosu e case quand'elli sò partuti
Ma u sole hè vultatu mezu à i caracuti
Sò firmati l'amori
In li paesi muti*

Abbandunate l'orte è i prati à vacceghju
Ci corre una funtana è canta à trimuleghju
Sò firmati i strazii
À cantu à u cunceghju

*Ci hè un purtone aperto di castagnu tarlatu
È nantu à u scalellu trentanove stampatu
Anu lasciatu l'ore
Di u tempu passatu*

Da sottu à una croce truvarete una scritta
I nomi sò zuccati nantu à una petra aritta
Anu lasciatu un pienzu
Una lacrima zitta

Nantu à un muraglione anu postu in turchinu
Corsica Nazione di pettu à lu destinu
S'anu lasciatu un passu
À mezu à lu caminu

S'anu lasciatu un passu
Era l'ultimu fiatu
S'anu lasciatu un passu
U sole era chjinatu

S'anu lasciatu un passu

Chì ùn hè ancu vultatu ...

GF Bernardini